

REGIONAL NEWS UNIT
ALL INDIA RADIO, AGARTALA
Date: 18-10-2017
Time: 07:35-07:40 AM Hrs
BENGALI MORNING BULLETIN

দীপাবলি :

আগামীকাল শ্যামাপূ জা ও আলোর উৎসব দীপাবলি। রাজ্যের ঐতিহ্যবাহী কালীপূ জা হয় উদয়পুরের মাতাবাড়িতে। ঐতিহ্যবাহী দীপাবলি উৎসবের জন্য প্রস্তুত উদয়পুর। ত্রিপুরা সুন্দরী মন্দির আলোক মালায় সাজিয়ে তোলা হয়েছে এবং শান্তিপূর্ণ পরিবেশ বজায় রাখতে প্রশাসন থেকে প্রয়োজনীয় সব ধরনের ব্যবস্থা গ্রহণ করা হয়েছে। নিরাপত্তা ব্যবস্থায় বিশেষ গুরুত্ব দেওয়া হয়েছে। আগামীকাল সন্ধ্যায় দীপাবলি উৎসব ও মেলার উদ্বোধন করবেন স্বাস্থ্য ও পুর্ন মন্ত্রী বাদল চৌধুরী। প্রদর্শনী মন্ডপের উদ্বোধন করবেন বন ও গ্রামোন্নয়ন মন্ত্রী নরেশ জমাতিয়া। উপজাতি সাংস্কৃতিক মঞ্চের উদ্বোধন করবেন এডিসির মুখ্য কার্য নির্বাহী সদস্য রাধাচরণ দেববর্ম। বিশেষ অতিথি থাকবেন পর্যটন মন্ত্রী রতন ভৌমিক সহ বিশিষ্ট জনেরা। এদিকে, কেন্দ্রীয় সরকার উৎসবের সময় যে কোনো

ধরনের সন্ত্রাসবাদী হামলার বিরুদ্ধে রাজ্যগুলিকে সতর্ক
থাকার নির্দেশ দিয়েছে।

দীপাবলী শুভেচ্ছা :

দীপাবলি উপলক্ষ্যে রাজ্যপাল তথাগত রায়
রাজ্যবাসীকে শুভেচ্ছা জানিয়েছেন। এক শুভেচ্ছা
বার্তায় তিনি বলেন, দীপাবলি তথা কালীপূজা উৎসব
প্রতি বছর মানুষের মনে নিয়ে আসে আলো ও
আনন্দের ধারা। দূর করে দেয় সব অন্ধকার,
অজ্ঞানতা ও সব কালিমা।

মুখ্যমন্ত্রী মানিক সরকারও দীপাবলি উৎসব উপলক্ষ্যে
রাজ্যবাসীকে শুভেচ্ছা জানিয়েছেন। দীপাবলি উৎসবের
মাধ্যমে ত্রিপুরার চিরন্তন শান্তিসম্প্রীতি ও সৌভ্রাত্বের
ঐতিহ্য আরো সুদৃঢ় হবে বলে মুখ্যমন্ত্রী আশা ব্যক্ত
করেন। দীপাবলি উৎসবকে আনন্দ-উজ্জ্বল করে তুলতে
সবার সম্মিলিত অংশ গ্রহণের আহ্বান জানান
মুখ্যমন্ত্রী।

এডিসির চেয়ারম্যান ড. রঞ্জিত দেববর্মণ, মুখ্যনির্বাহী
সদস্য রাধাচরণ দেববর্মণও দীপাবলি উপলক্ষ্যে
রাজ্যবাসীকে শুভেচ্ছা জানিয়েছেন। এই উৎসবের মধ্য
দিয়ে রাজ্যে জাতি-উপজাতির মেল বন্ধন আরো সুদৃঢ়
হবে বলে আশা ব্যক্ত করেন।

বিজেপি রাজ্য সভাপতি বিপ্লব কুমার দেব, প্রদেশ কংগ্রেস সভাপতি বীরজিৎ সিংহ দীপাবলি উৎসব উপলক্ষ্যে রাজ্যবাসীকে শুভেচ্ছা জানিয়েছেন। পৃথক পৃথক শুভেচ্ছা বার্তা য় তারা রাজ্যবাসীর সুখ ও কল্যাণ কামনা করেছেন।

বি.এস.এন.এল:

আগরতলা শহরে মোবাইল পরিষেবার উন্নয়নে ভারত সঞ্চার নিগম পুরনো সব যন্ত্রপাতি পরিবর্তন করে অতি উন্নত মানের এবং হাই-স্পিড মোবাইল ইন্টারনেট পরিষেবা চালু করেছে। এর পাশাপাশি আগরতলার সন্নিহিত অঞ্চলে ৮৪টি বিটিএস সহ অতিরিক্ত ৩৭টি নতুন বি.টি.এস বসিয়েছে। গতকাল বি.এস.এন.এল. সদর অফিসে এক সাংবাদিক সম্মেলনে উত্তর-পূর্ব সার্কেলের মুখ্য মন্ত্রিবন্ধক কে.কে সাক্ষেনা এই তথ্য জানান। তিনি জানান, রাজ্যে আরও ৬৩টি স্থানে থ্রি-জি মোবাইল পরিষেবা চালুর কাজ চলছে। রাজ্যে বর্তমানে বি.এস.এন.এল.র মোবাইল ফোনের সংখ্যা তিন লক্ষ পঞ্চাশ হাজার। রাজ্যে ব্রডব্যান্ড সংযোগ রয়েছে আট হাজার পাঁচশো। ডিজিটাল পঞ্চায়েত সম্পর্কে তিনি জানান, রাজ্যের ১শো ৫৯টি পঞ্চায়েত কার্য লয়ে ব্রড ব্যান্ড সংযোগ দেওয়া হয়েছে। আরো এক হাজার ৩৮টি পঞ্চায়েত কার্য লয়ে সংযোগ দেওয়ার কাজ চলছে বলে

তিনি জানান। শ্রী সাকসেনা দীপাবলি উপলক্ষে বি.এস.এন.এল এর পক্ষ থেকে ভোক্তাদের জন্য বিভিন্ন অফার এর কথা জানান। এর মধ্যে উল্লেখযোগ্য, হলো অসীম প্ল্যান। এর মাধ্যমে মাত্র ৯৯ টাকা অথবা বার্ষিক ১৯৯ টাকার বিনিময়ে একটি ল্যান্ড ফোন ভাচু'য়াল নাম্বার পেতে পারেন। এই নাম্বারে ফোন করলে এই কল দেশের যেকোন প্রান্তে স্বয়ংক্রিয় ভাবে গ্রাহকের মোবাইল নাম্বারে চলে যাব।

হস্তকলা সহযোগ শিবির:

ভারত সরকারের বস্ত্র মন্ত্রকের উদ্যোগে গতকাল কৈলাসহরের ডলু গাঁ ওতে অনুষ্ঠিত হয় “হস্তকলা সহযোগ শিবির”। এটি পন্ডিত দীনদয়াল উপাধ্যায় গরীব কল্যাণ বিকাশ কর্ম ধারার প্রতি উৎসর্গীকৃত। এই কর্ম সু চির আনুষ্ঠানিক উদ্বোধন করেন ঊনকোটি জিলা পরিষদের সভাধিনেত্রী কল্পনা দেবনাথ। উপস্থিত ছিলেন বিধায়িকা টুনু বালা মালাকার। স্বাগত ভাষণ দেন কেন্দ্রীয় সরকারের বস্ত্র মন্ত্রকের অধীন তক্তুবায় সেবা কেন্দ্রের সহকারী অধিকর্তা তপন কুমার দাস। এখানে বিভিন্ন বক্তা তাঁদের ভাষণে ভারত সরকারের বুনকর মিত্র যোজনা, হেল্পলাইন, তাঁতশিল্পীদের কারিগরী ও বিপননের দিক ইত্যাদি সম্পর্কে আলোকপাত করেন। বক্তব্য রাখেন, জাতীয় হস্ততাঁত উন্নয়ন নিগমের

সিনিয়র অফিসার মোক্তারুল ইসলাম, তন্তুবায় সেবা কেন্দ্রের কারিগরী সু পার জয়ন্ত ঠাকুরিয়া, ন্যাশনাল ইনস্টিটিউট অফ ওপেন স্কুলের আধিকারিক মানব কর্ম কার প্রমু থা। এখানে তাঁ ত শিল্প সামগ্রী, সু তো পাওয়ার পাসবই তু লে দেওয়া হয়। তাছাড়া হস্ততাঁ তের প্রদর্শ নীও আয়োজন করা হয়।

দার্জিলিং :

পশ্চিমবঙ্গের দার্জিলিং পর্য টন এলাকা থেকে সি.আর.পি.এফ. বাহিনী প্রত্যাহার করে নেওয়ার উপর আগামী ২৭ অক্টোবর পর্য ল্ত স্বগিতাদেশ জারি করেছে কলকাতা হাইকোর্ট । দার্জিলিং ও কালিংপং জেলা থেকে আধা সামরিক বাহিনী সরিয়ে নেওয়ার কেন্দ্রীয় সরকারের সিদ্ধান্তের বিরুদ্ধেই পশ্চিমবঙ্গ সরকার আদালতের দারস্থ হয়েছিল। এর পরিপ্রেক্ষিতেই কলকাতা হাইকোর্ট স্বগিতাদেশ জারি করে।

ভিনু মানকর ট্রফি:

ভিনু মানকর ট্রফি অনু ধর্ষ ১৯ বছরের পূ র্ব াঞ্চলের ক্রিকেটে সীমিত ওভারের খেলায় ত্রিপুরা জয়লাভ করেছে। ধানবাদে অনু ঠিত খেলায় গতকাল রাজ্যদল বাংলাকে ২০ রানে পরাজিত করে। রেলওয়ে স্টেডিয়ামে

টসে জয়লাভ করে রাজ্যদল প্রথমে ব্যাট করার সিদ্ধান্ত নেয় এবং ৪৯ ওভারে ১৮৮ রানে সবাই আউট হয়ে যায়। দলের পক্ষে বিক্রম দাস ৪৫ ও দীপায়ন দেববর্ম ৮৪ রান করে। জবাবে খেলতে নেমে বাংলা ৪৬ ওভারে ৮ উইকেটে ১৫৫ রান তোলার পর বৃষ্টিতে খেলা বন্ধ হয়ে যায়। ফলে ভি জে ডি পদ্ধতিতে ম্যাচের ফয়সলা হয়। রাজ্যদলের পেসার শাহরুখ হোসেন ২৪ রানে চারটি উইকেট পায়। এই জয়ের ফলে চার ম্যাচে তিনটি জয় ছিনিয়ে রাজ্যদল ১২ পয়েন্ট সংগ্রহ করেছে।

ফিফা বিশ্বকাপ :

ফিফা অনুর্ধ্ব ১৭ বিশ্বকাপ ফুটবলের কোয়ার্টার ফাইনালে উঠেছে স্পেন, ইংল্যান্ড, মালি ও ইরান। গতরাতে গুয়াহাটিতে অনুষ্ঠিত খেলায় স্পেন ২১ গোলে ফ্রান্সকে, কলকাতায় ইংল্যান্ড পেনাল্টি শ্যুট আউটে ৫-৩ গোলে জাপানকে, মারগাঁওএ মালি ৫-১ গোলে ইরাককে এবং একই স্থানে ইরান ২-১ গোলে মেক্সিকোকে পরাজিত করে। আজ প্রি-কোয়ার্টার ফাইনালের শেষ দুটি খেলা হবে।

আবহাওয়া :

আবহাওয়ার পূর্ব ভাসে জানানো হয়েছে, আকাশ আংশিক থেকে সাধারণত মেঘলা থাকবে। বিক্ষিপ্ত বৃষ্টিপাতের সম্ভাবনা রয়েছে। তাপমাত্রা সর্বাধিক ৩৪ ডিগ্রী ও সর্বনিম্ন ২৫ ডিগ্রী সেলসিয়াসের কাছাকাছি থাকবে। আজ ভোরের সর্বনিম্ন তাপমাত্রা ছিলো ২৩ দশমিক ৯ ডিগ্রী সেলসিয়াস। আজ ভোর পর্যন্ত বৃষ্টিপাতের পরিমাণ ৩ দশমিক ৮ মিলিমিটার।
